

Kuala Terengganu: Lans koperal polis mengaku tidak bersalah di Mahkamah Sesyen di sini, semalam atas tiga pertuduhan meminta dan menerima rasuah daripada dua individu yang terbabit dalam kes rogol.

Tertuduh, Norazmi Afiq Mohd Solleh, 27, yang bertugas di Balai Polis Dungun membuat pengakuan itu selepas pertuduhan dibacakan di hadapan Hakim Dazuki Ali.

Mengikut pertuduhan pertama dan kedua, tertuduh sebagai ejen iaitu anggota polis yang bertugas di Balai Polis Dungun didakwa menerima suapan RM2,500 dan RM2,000 masing-masing daripada dua lelaki.

Suapan itu sebagai dorongan untuk tidak mengambil tindakan terhadap kedua-dua lelaki berkenaan yang disyaki terbabit dalam kes rogol.

Tertuduh didakwa melakukan kesalahan itu di sebuah kedai makan dan tapak pasar malam di Dungun masing-masing pada jam 3.15 petang, 30 Mei dan 9.40 malam 23 Mei tahun lalu.

Bagi kedua-dua pertuduhan itu, tertuduh didakwa mengikut Seksyen 17 (a) Akta Suruhanjaya Pencegahan Rasuah Malaysia (SPRM) 2009.

Tertuduh turut berdepan satu lagi pertuduhan apabila didakwa meminta rasuah RM10,000 iaitu RM5,000 daripada kedua-dua lelaki terbabit di Dungun pada 19 Mei tahun lalu.

NORAZMI Afiq dibawa keluar dari Mahkamah Sesyen Kuala Terengganu, semalam.



Lans koperal tidak mengaku minta suapan suspek kes rogol

Bagi kesalahan itu, tertuduh berdepan pertuduhan mengikut Seksyen 16 (a) (B) Akta SPPM 2009.

Bagi setiap pertuduhan itu, tertuduh berdepan hukuman penjara sehingga 20 tahun dan denda tidak kurang dari pada lima kali ganda nilai suapan atau RM10,000 mengikut

mana-mana yang lebih tinggi, jika sabit kesalahan.

Sejurus pengakuan tidak bersalah tertuduh direkodkan, mahkamah menetapkan 17 Mei depan sebagai tarikh sebutan semula kes dan membenarkan tertuduh diikat jamin RM5,000 bagi semua pertuduhan.

Tertu-

duh turut dikenakan syarat tambahan iaitu perlu melapor diri di pejabat SPPM pada setiap bulan antara 1 hingga 5 haribulan dan menyerahkan pasport antarabangsa kepada mahkamah.

Pendakwaan dikendalikan Pegawai Pendakwa SPPM Nur Athikah Aziz, manakala tertuduh diwakili peguam daripada Yayasan Bantuan Guaman Kebangsaan Najmi Adila Mat Nasir.

Tertuduh berdepan hukuman penjara sehingga 20 tahun